

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na 70. sjednici Predstavničkog doma, održanoj 24. jula 2014. godine, i na 40. sjednici Doma naroda, održanoj 25. jula 2014. godine, usvojila je

**ZAKON
O IZMJENI I DOPUNI ZAKONA O AKCIZAMA
U BOSNI I HERCEGOVINI**

Član 1.

U Zakonu o akcizama u Bosni i Hercegovini ("Službeni glasnik BiH", br. 49/09 i 49/14) član 18. mijenja se i glasi:

"Član 18.

(Iznosi akcize za bezalkoholna pića, pivo i vina)

- (1) Za sljedeće akcizne proizvode akciza se plaća po litru, i to:
 - a) bezalkoholna pića.....0,10 KM
 - b) pivo.....0,25 KM
 - c) vino.....0,25 KM.
- (2) Izuzetno, od stava (1) tačka b) ovog člana proizvođač piva čija je prosječna proizvodnja u prethodne tri godine manja od 400.000 hl, akcizu plaća 0,20 KM/l.
- (3) Pravo iz stava (2) ovog člana može ostvariti i uvoznik pod uslovom da ima dokaz da je pivo nabavio od proizvođača čija je prosječna proizvodnja u prethodne tri godine manja od 400.000 hl.
- (4) Bliže odredbe za ostvarivanje prava korištenja niže stope iz st. (2) i (3) ovog člana, propisat će Upravni odbor pravilnikom."

Član 2.

U članu 41. stav (1) iza tačke m) dodaje se nova tačka n) koja glasi:

"n) da netačne podatke u cilju primjene niže stope iz člana 18. stav (2) ovog zakona."

Član 3.

Ovaj zakon stupa na snagu osmog dana od dana objavljivanja u "Službenom glasniku BiH" a primjenjivat će se od prvog radnog dana mjeseca koji slijedi nakon stupanja na snagu ovog zakona.

Broj: 01,02-02-1-44/13

25. jula 2014. godine

S a r a j e v o

Predsjedavajući
Predstavničkog doma
Parlamentarne skupštine BiH

dr. Milorad Živković

Predsjedavajući
Doma naroda
Parlamentarne skupštine BiH

dr. Dragan Čović